



## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Ab Alexandro VII. Ad Clementem X.

**Luxemburgi, MDCCXLII.**

CXXVIII. Quod spolia defunctorum Canonorum Regularium Sanctissimi  
Salvatoris Procuratori Generali ejusdem Congregationis omninò applicari  
debeant.

---

[urn:nbn:de:hbz:466:1-74833](https://nbn-resolving.org/urn:nbn:de:hbz:466:1-74833)

*Christo Patri, & Domini N. D. Alexandri Divina Providentia Papæ VII. Anno ejus octavo, supra dictum Breve affixum & publicatum fuit ad valvas Basilicæ Lateranensis, ac Principis Apostolorum de Urbe, & in acie Campi Floræ, ac aliis locis solitis, & consuetis Urbis, per me Carolum Franceschinum Sanctiss. D. N. Papæ Cursorem,  
Jo. Antonius Bertarellus Curs. Mag.*

CXXVII.

Quod Superiores Congregationis S. Benedicti, ac etiam Monasteriorum Sublaci, ac Farsæ cæterique Monachi non accedant Romam absque licentia Abbatis Sancti Pauli, ac Procuratoris Generalis.

Edita An. D. 1662.

ALEXANDER PAPA VII.

*Ad futuram rei memoriam.*

Exordium.

**A**D Apostolicæ dignitatis fastigium meritis licet imparibus, divina dispositione evecti, illis quæ pro decoris Monastici, disciplinæque regularis conservatione provide constituta esse noscuntur, libenter cum à Nobis petitur Apostolici muniminis adjungimus firmitatem.

§. 1. Exponi siquidem Nobis nuper fecit dilectus filius Jacobus Romanus Procurator Generalis Congregationis Cassinensis Ordinis S. Benedicti, quod dilecti pariter filii Præfidentis Generalis, & Visitatores dictæ Congregationis in eorum Dieta Ferrariæ nuper celebrata Decretum ediderunt tenoris qui sequitur, videlicet, Salutaribus monitis Eminentissimi D. Cardinalis Barberini Congregationis nostræ Protectoris, quibus pro eorundem observantia cum suis particularibus literis sub Dat. Romæ die 19. mensis Aprilis proximè elapsi Dietæ Capitulari directis enixè insistit, ut par est, obtemperare volentes omnibus, & singulis Congregationis nostræ Prælati, etiam Monasteriorum nostrorum Sublaci, Farsæ, ac Monachis cujuscumque conditionis prohibemus, & penitus interdiciamus, à nostris Constitutionibus non recedentes, accessum ad Urbem quovis prætextu, absque licentia priùs in scriptis à Reverendissimis P. P. Abbate S. Pauli de Urbe, & Procuratore Generali in Curia pro tempore existentibus obtenta.

Debent incedere per Urbem cucullati.

§. 2. Nullique supradictorum post eundem accessum ad Urbem liceat alibi etiam in domibus sæcularium propinquorum, præterquam in Monasterio S. Calisti sese recipere, commorari, & multò minus juxta easdem Constitutiones nostras pernoscere, sub pœna suspensionis à quocumque gradu ipso facto ab omnibus incurrenda; isdem pariter in virtute sanctæ obedientiæ præcipimus, ut associati, & omninò cucullati per Urbem incendant, ne gradus Abbatialis, & Monastici, ex dimissione sui dignioris habitus, debito honore privetur. Quæ omnia tam in alma Urbe, quam in aliis insignioribus Civitatibus, præcipuè Neapolis, & Panormi observanda esse decernimus.

Confirmat prout in rub.

§. 3. Cum autem sicut eadem expositio subjungebat, d. Jacobus Procurator Generalis Decretum hujusmodi quo firmius subsistat, & servetur exactius Apostolicæ confirmationis nostræ patrocinio communiri plurimum desideret. Nos ipsum Jacobum Procuratorem generalem specialibus favoribus, & gratiis prosequi volentes, & à quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis à jure vel ab homine quavis occasione, vel causis, si quibus quomodolibet innodatus extiterit ad effectum præsentium dumtaxat consequendum, harum serie absolventes & absolutum fore censentes, supplicationibus ejus nomine Nobis super hoc humiliter porrectis inclinati Decretum præinsertum auctoritate Apostolica, tenore præsentium confirmamus, & approbamus, illique inviolabilis Apo-

stolica firmitatis robur adjicimus, ac omnes, & singulos juris & facti defectus si qui desuper quomodolibet intervenerint, supplemus.

§. 4. Decernentes eandem præsentem literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac ab illis ad quos spectat, & pro tempore quodcumque spectabit, inviolabiliter observari, sicque in præmissis per quoscumque Judices Ordinarios, & Delegatos etiam causarum Palatii Apostolici Auditores judicari, & definiri debere, ac irritum, & inane, si secus super his à quoquam quavis auctoritate scienter vel ignoranter contigerit attentari.

§. 5. Non obstantibus præmissis, ac Constitutionibus, & Ordinationibus Apostolicis, necnon quatenus opus sit prædictorum Ordinis, & Congregationis, etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis illorum tenore pro plenè, & sufficienter expressis, ac de verbo ad verbum insertis habentes, illis aliàs in suo robore permansuris ad præmissorum effectum hac vice dumtaxat specialiter, & expressè derogamus, cæterisque contrariis quibuscumque.

§. 6. Volumus autem, ut earundem præsentium literarum transumptis, etiam impressis, manu alicujus Notarii publici subscriptis, & sigillo personæ in dignitate Ecclesiastica constitutæ munitis eadem prorsus fides in judicio, & extra adhibeatur, quæ præsentibus ipsis adhiberetur, si forent exhibitæ, vel ostensæ.

Datum Romæ apud S. Mariam Majorem sub Annulo Piscatoris die 26. Septembris 1662. Pontificatus Nostri Anno octavo.

Quod spolia defunctorum Canonicorum Regularium Sanctissimi Salvatoris Procuratori Generali ejusdem Congregationis omninò applicari debeant.

CXXVIII.

ALEXANDER PAPA VII.

*Ad futuram rei memoriam.*

**A**LIAS pro parte tunc existentis Abbatis Generalis Congregationis Canonicorum Regularium S. Salvatoris Congregationi tunc existentium S. R. E. Cardinalium negotiis, consultationibus Episcoporum, & Regularium præpositorum exposito, quod ipse juxta mandatum dictæ Congregationis Canonicorum Regularium Venetiis anno superiore 1649. celebrato una cum Diffinitoribus Decretum ediderat quod spolia defunctorum Canonicorum Regularium Congregationis hujusmodi transmittentur à prælati localibus ad Procuratorem Generalem ipsius Congregationis ad effectum solvendi debita Cameralia Monasteriorum particularium & his deficientibus publica Religionis Romæ contracta cum Montistis, & censuariis, quodque Decretum hujusmodi ab ipso Abbate Generali, & Diffinitorio in Dieta eo anno Florentiæ habita etiam renovatum, & plenissimè confirmatum, ac à multis exactè observatum, & præticatum fuerat, sed nonnulli alii renitentes erant, illique parere recusabant, sub vanis prætextibus, & subterfugiis allegantes dictum decretum Constitutionibus Apostolicis, ac decretis prædictæ Congregationis Cardinalium, & Sacris Canonibus adversari licet nihil super ea re producerent.

§. 1. Ideoque pro parte dicti Abbatis Generalis memoratis Cardinalibus supplicato, ut prædicti Decreti observationi opportunè providere, emanavit ab eorundem Cardinalium Congrega-

Decretum Sac. Cong.

tione

Decretum irritans.

Contrariis derogat.

Transumptorum fides.

Dar. P. A. & die 26. Sept.

Edita An. D. 1662.

Motiva.

tione Decretum tenoris qui sequitur videlicet, Sacra Congregatio &c. inhærendo resolutionibus aliâs factis in particulari Congregatione pro sublevandis oneribus duodecim Congregationum Monasticarum, prænaratum Decretum à Definitorio Capituli Generalis anno 1649. Venetiis editum, & nuper in præterita Dieta innovatum pro satisfaciendis dumtaxat debitis onerum Cameralium, ac Montistarum, & censuariorum hujusmodi ad particularia Monasteria si adsint, sin minus ad commune Religionis spectantibus, & non aliâs virtute præsentium Sanctissimo Domino Nostro annuente approbat, & confirmat, ac ab omnibus ad quos spectat inviolabiliter observari, ac ad prædictos usus solummodò applicari mandat, & præcipit sub pena contrafaciendibus privationis vocis activæ, & passivæ, prælaturæ, & officiorum, necnon perpetuæ inhabilitatis ad quæcumque alia obtinenda rehabilitatione eidem Sacræ Congregationi reservata Constitutionibus Apostolicis, & ejusdem Ordinis statutis, aliisque quibuscumque in contrarium non obstat. In quorum fidem &c. Datum Romæ die 15. Julii 1650.

Confirmat prout in Rub.

§. 2. Cum autem sicut dilectus filius Joannes Maria Lancius Procurator Generalis dictæ Congregationis Canonicorum Regularium S. Salvatoris Nobis nuper exponi fecit ipse Decretum præinsertum pro firmiori, & stabiliiori illius observatione Apostolicæ confirmationi nostræ patrocinio communiti summoperè desideret, Nos ipsum Joannem Mariam Procuratorem Generalem specialibus favoribus, & gratis prosequi volentes, & à quibusvis excommunicationis, suspensionis, & interdicti, aliisque Ecclesiasticis sententiis, censuris, & penis à jure, vel ab homine quavis occasione, vel causa latis, si quibus quomodolibet innodatus existit, ad effectum præsentium dumtaxat consequendum harum serie absolventes, & absolutum fore censentes. Supplicationibus ejus nomine Nobis super hoc humiliter porrectis inclinati. De Venerabilium Fratrum nostrorum S. R. E. Cardinalium negotiis Episcoporum, & Regularium præpositorum consilio observantiam præinserti decreti sub penis in eo contentis auctoritate Apostolica tenore præsentium injungimus, salva tamen semper in præmissis auctoritate Congregationis eorumdem Cardinalium.

Decretum irritans.

§. 3. Decernentes easdem præsentis litteras semper firmas, validas, & efficaces existere, & fore, suosque plenarios, & integros effectus sortiri, & obtinere, ac ab illis ad quos spectat, & pro tempore spectabit inviolabiliter observari, sicque in præmissis per quoscumque Judices ordinarios, & delegatos etiam causarum Palatii Apostolici Auditores judicari, & definiri debere, ac irritum, & inane si secus super his à quoquam quavis auctoritate scienter, vel ignoranter contigerit attentari.

Contrariis derogat.

§. 4. Non obstantibus præmissis, ac Constitutionibus, & ordinationibus Apostolicis, necnon quatenus opus sit prædictæ Congregationis Canonicorum Regularium, etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & litteris Apostolicis in contrarium præmissorum quomodolibet concessis, confirmatis, & innovatis. Quibus omnibus, singulis illorum tenores præsentibus pro plenè, & sufficienter expressis, & insertis habentes illis aliâs in suo robore permanentibus, ad præmissorum effectum hac vice dumtaxat specialiter, & expresse derogamus, cæterisque contrariis quibuscumque.

Transumptorum fides.

§. 5. Volumus autem, ut earumdem præsentium litterarum transumptis etiam impressis manu alicujus Notarii publici subscriptis, & sigillo personæ in Ecclesiastica dignitate constitutæ munitis eadem prorsus fides adhibeatur, quæ presentibus ipsis exhibitæ, vel adhiberetur si forent ostensæ.

Dat. Romæ apud S. Mariam Majorem sub Anulo Piscatoris, die 27. Septemb. 1662. Pontificatus nostri Anno octavo.

Dat. P. A. 8. die 27. Sept.

Confirmatio Brevium super divisione Provinciae Sancti Joannis Baptistæ; erectionisque Beati Petri de Alcantara Discal. Sancti Francisci nuncupat.

CXXIX.

Vide ad Constit. hujus Pont. 69. Sacrosanctis & ad Constit. 98. Alias nos, in quibus agitur de hac Controversia.

ALEXANDER PAPA VII.

Edita An. D. 1662.

Ad futuram rei memoriam.

Aliâs pro parte dilecti filii Petri Roche Commissarii Generalis Curie Fratrum familiae Ultramontane Ordinis Minorum S. Francisci de Observantia nuncupatorum Congregationi Venerabilium Fratrum nostrorum S. R. E. Cardinalium negotiis, & consultationibus Episcoporum, & Regularium præpositæ exposito, quod juxta mandatum, & decretum Capituli Generalis dicti Ordinis anno 1658. celebrati ad instantiam Fratrum Provinciae S. Joannis Baptistæ ejusdem Ordinis Nobis humiliter supplicatum fuerat, ut eandem Provinciam in duas dividi concederemus.

Supplicatio.

§. 1. Nosque per quasdam nostras in simili forma Brevis literas quarum initium Sacrosancti Apostolatus officium &c. facultatem facendi divisionem hujusmodi concesseramus, cum erectione novæ Provinciae Ordinis prædicti, sub titulo Beati Petri de Alcantara. Et subindè ad petitionem hujus novæ Provinciae prævia informatione à dilecto filio Ministro Generali d. Ordinis habita per alias nostras etiam in forma Brevis literas, quæ incipiunt, Alias nos Charissimi &c. Ministrum Provinciale, ac Custodem, & Diffinitores novæ Provinciae hujusmodi deputaveramus, ac per ambas literas prædictas novem Conventus assignaveramus eidem novæ Provinciae quæ octo Conventuum possessionem adepta fuerat, dicta verò Provincia Sancti Joannis Baptistæ Conventuum Murcia, qui præcipuus inter dictos novem Conventus erat, retinuerat vigore concordati inter ambas partes facti, sed postmodum cum hujusmodi concordatum prædictis nostris litteris præjudicaret dicta nova Provincia Procuratorem ad Romanam Curiam miserat, ad effectum proponendi causam in prædicta Cardinalium Congregatione, quæ utriusque partis rationibus auditis sententiam dederat, ad favorem prædictæ novæ Provinciae, dictumque concordatum nullum declaraverat, ac memoratum Conventum Murciae eidem novæ Provinciae restitui debere decreverat, verum prædicta Provincia S. Joannis Baptistæ executioni Apostolicarum in simili forma Brevis litterarum super præmissis emanatarum restituerat; tandem post gravissima scandala non solum in Civitate Murcia, sed etiam in universo Hispaniarum Regno secuta, eundem Conventum Murciae dictæ novæ Provinciae consignaverat, atque ita huic Provinciae novem Conventus assignati reperiebantur, in altera verò Provincia S. Joannis Baptistæ prædicta viginti septem Conventus remanserant.

§. 2. Et in eadem expositione subjuncto quod dicta Provincia S. Joannis Baptistæ novas lites pro revocandis illis, quæ per ternas nostras in forma Brevis literas stabilitæ sunt movere prætendebat, id verò occasionem aliarum maximarum perturbationum, & offensionum præberet, ideoque memoratæ Cardinalium Congregationi supplicato, ut perpetuum super præmissis silentium impone-